



Inatsisartut ataatsimiittarfissaannik, allaffissornikkut sullissiviit ilanngullugit, nutaamik sananissamik 2013-imni novembarimi tunngaviusumik isummernerup Inatsisartunit ilalerneqarnissaanik Inatsisartut aalajangiiffigisassaattut siunnersuut.

(Suleriaatsimut Ataatsimiititaliaq:

(Siullermeerner)

Isertorneqarsinnaanngunangilaq siunnersummut Demokraatini naaggaaratta.

Saqquumiunneqaqqaarmat taama oqarpugut aamma suli naaggaartorparput.

Qularnangilaq allat pissutissanik kusanartunik saqqummiussisinnaassasut, isumaqarlutillu piviusunngortitsisoqartariaqartoq. Kisianni naaggaarnissamut pissutsit pingaarnersaat tassaajuartariaqarpoq akisualaarujuussuarnera, inuiaqatigiit aningaasaataat milliuunerpassuit suliamut qilersorneqartussaapput imminut akilersinnaanngitsumut imaluunniit allanut iluaqsiinani taamaallaat uangutsinnut politikerinut iluaqsiisussaavoq, taamaattumik siunnersuutip matuma nassataanik inupparpassuit akerliunertik nittarsaannikuuat. Taakku ersarilluinnartumik naaggaarput aamma uangutsinnut politikerinut.

Piffissami meeqqat atuarfii pitsasut qularnaarniarlugit ajornartorsiorfitsinni, inunnik isumaginninnerup iluani nunami maani meeqqat inuusuttullu ikiorneqarnissaminut pisariaqartitsilerutterfianni, innuttaasut annertuumik ikiorneqarnissaminut pisariaqartitsiffianni, taava uangut politkerit illersorsinnaanngilarput taamattumik annertoorsuarmik ataqqinaatissatut sanatitsiniarneq. Naameerluinnaaqeqqissaarparput.

Innuttaasut ajornartorsiorput! Atagu maluginiariarsigit politikerinaa.

Atuartuutivut, ilinniartitsisut, peqqissaasut, politiit, sullisisut, ilaqu>tagut, ulorinartorsiortortagut aamma piitsortagut.

Nuna patajaatsoq qularnaaqqaartinnaug, ilinniarluarsimasunik innuttalik, nunatut isaatitsillualertinnata tunguinermi annertusiartortumi aningaasarututigut matusinnaalersillugit, meerartagut, napparsimasortagut utoqqartagullu ikorsimanngikkallartillugit, qaqugumulluunniit peqqusileqinata immitsinnut qiviarsinnaanavianngilagut, taamatut ataqqinaammik sanaartornissamut angissagaluarutta.



Demokraatini oqaluttuarisaanermi kingumut qiviaqqikkusunngilagut takullugulu politikerit aammaarlutik imminnuinnaq iluaquseqqissimasut naak qulequqtat artukkagut nunarsuup sinnerani qulequttatut saqqummersinneqartaraluartut. Assersuutigalugu meeqqanik sullissinerup iluani.

Inooqataaffigisinnaavarput politikerit uumigippatigut, kisianni inooqataaffigisinnaanngilarput aalajangerneq ileqqorissaarneq, pissuserissaarneq aningaasartuutilu eqqarsaatigalugit kukkulluinnartoq.

Politikerit qasseriarluta siunnersuummut naaggaassagatta? Qasseriarluni siunnersuutigineqaqattaassagami? Uukapaatitsiniarnertut isikkoqarpoq. Innuttaasut qasseriarlutik akerliussutsimik takutitsissappat naaggaartorlutik? Sooq tusajumanngilagut inimi maani? Qanoq aamma taamatut ataqqinaammik sanaartorniarneq qaqqatkaarneq? Oqaasissaqarnerpaat naaggaareerput; innuttaasut akerliussutsimik takutitserujussuarlutik.

Naaggaaqqippugut aamma partiit tamaasa kaammattussavagut matumani suliami ataatsimuussasugut silattorlatalu.

Siunnersuummut tunngavilersuutit suugaluartulluunniit tusarsimagaluarussigit eqqortortaqanngillat.

Illut pioreersut iluarsaannissaat atuinnarnissaallut allaallu immaqa allilernissaat akikinnerujussuusussaavoq aamma illersoruminarnerusussaavoq sanaartorniakkap ingasattajaartup ingerlatiinnarneranut naleqqiullugu.

Siunnersuutip itigartinneqarnissaa inassutigaarput aamma Inatsisartut tamassi qinnuigaatsigit itigartitsinitsinni ikioqqulluta.

Ikioqatigiilluta ataqqinaatissamik sanaartorniarneq unitsitsigu innuttaasullu takutillugit immitsinnuinnaq eqqarsaatigiuunnaarsimalluta. Politikkimi taamatut pissusilersortarneq qaangiussimasoq.